

Mooštas

VN/33578/2025
VN/2984/2026

18.3.2026

E'tkķōōzz riikksuåvtōōzz asetōssân sää'mķiōl konttrest di riikksuåvtōōzz asetōssân Sää'mtee'gğgest uvddum asetōōzz kåå'mtummšest: õ'hteķeāssmōš vuāđđtōōllām-mošttsin

1 Ää'sš tuāggaž, asetōōzzu'vddemvā'lddvuōđ da valmštōōllmōš

Asetōs Sää'mtee'gğgest (1727/1995) lij uvddum Sää'mtee'gğgest uvddum lää'jj (sää'mte'gğlää'kk, 974/1995) 16 da 43 § di sää'mķiōl āānnmōōžžâst ve'rğgnii'kķin uvddum lää'jj (516/91) 21 da 29 § nuājain. Māņņa dō'st sää'mķiōll-lää'kk (1086/2003) lij kåå'mtam sää'mķiōl āānnmōōžžâst ve'rğgnii'kķin uvddum lää'jj, da tōn 26 §:st šiotteet sää'mķiōl konttrest. Sää'mķiōll-lää'jj 26 § 2 momee'nt mie'ldd sää'mķiōl konttrest šiotteet tää'rķben riikksuåvtōōzz asetōōzzin.

Sää'mte'gğlää'jj mu'tteš 1.8.2025 viō'kķe puāttam muttsivui'm (414/2025). Tāāvtōssân le'jje suōjjled da ouu'deed sä'mmlai jiōččmie'rreemvuōiggādvuōđ teāuddjummuž di pue'reed sä'mmlai ķiōlāz da kulttuurāz kuōskki jiōččvaaldāšm da Sää'mtee'gğ tāimmamoudldōōzzid. Oodummuž õhttvuōđâst jeā'rbi mie'ldd mu'tteš lākka pāājas pijjum asetōōzz u'vddemvā'lddvuōdid. Sää'mtee'gğ jiōččvaldšmallaš sâā'j diōtt lij vuāđđtōllum, što Sää'mtee'gğ kuōskki šiottoōllmōōžž tieu'det laa'jain da Sää'mtee'gğ jiōčč priimmām tuājjriāššmōōžžin. Sää'mtee'gğ tuājain, organisaatiost le'be toi'mmjummšest ij tōn sāja leākku suāvlaž šiotteed asetōōzzin. Tān diōtt sää'mte'gğlää'jj 16 §:st da 43 §:st kåå'mteš vā'lddumšid šiotteed asetōōzzin Sää'mtee'gğ konttrin da tuājjlažkåā'ddest di u'vdded asetōōzzin tää'rķab šiotlmid Sää'mtee'gğgest uvddum lää'jj tiu'ddepaiijmōōžžâst (HE 100/2023 vp, s. 115). Lāā'ssen sää'mte'gğlää'jj 4 §:st va'lddeš meādda šiotlām, koon mie'ldd asetōōzzâst le'be tōn meālddōōzzâst ōlmstāâ'ttet kaart dommvuu'd raajin.

Asetōs Sää'mtee'gğgest lij sää'mte'gğlākka tuejjuum muttsi mie'ldd kāmnam vue'zzi nu'tt, što tōt lij viōggâst teānab sää'mķiōll-lää'jj nuājain. Viōggâst āārrai vue'ss asetōōzzâst kuāskk sää'mķiōl konttār. Asetōs lij uvddum ouddāl āān'jōž vuāđđlāā'jj viō'kķepuāttmōōžž. Pue'ttiāi'jest lij tarbb

Påå'staddrōs
Postadress

Vuōiggādvuōttministeria
PL 25
FI-00023 Valtioneuvosto
Finland

Jåå'ttemaddrōs
Besöksadress

Meritullinkatu 10
00170 He'issen
Finland

Te'lfon
Telefon

0295 16001
Internat.
+358 295 16001

Fakss
Fax

09 160 67730
Internat.
+358 9 160 67730

Ne'ttpåå'st, interne'tt
E-post, internet

kirjaamo.om@gov.fi
www.oikeusministerio.fi
www.justitieministeriet.fi

šiõtteed riiksuåvtõõzz asetõõzzin tå'lk sää'mkiõl konttrest, ij-ga jee'res aa'sšin, koin kõõččmõõžžâst åarrai asetõõzzâst lij šiõttuum.

Čiõlgåsvuõđ diõtt e'tkķeet, što asetõõzz Sää'mtee'gğest kåå'mtet da sää'mkiõl konttrest uu'det ođđ riiksuåvtõõzz asetõõzz. Kåå'mtemasetõõzz da ođđ asetõõzz ooudčeš jeå'rben, ko ođđ asetõõzz ooudčeš tå'lk sää'mkiõll-lää'jj nuājain.

Ä'sš lij valmštõllum ve'rğğtuājan vuõiggådvuõttministeriast. Ve'rğğvalmštõõllmõõžž õhttvuõđâst lij sagstõllum asetõsmuttsin Sää'mtii'gğgin.

2 Tää'rķmõs e'tkķõõzz

2.1 Riiksuåvtõõzz asetõs sää'mkiõl konttrest

Ođđ riiksuåvtõõzz asetõõzzin šiõtte'češ sää'mkiõl konttrest da tõn tuājain. Konttår tuāj põõžžče seāmman. Muttsen ånn'jõžšiõttõõllmõ'sše le'čči tõt, što asetõõzzâst vii'ttje'češ sää'mkiõll-låkkå, kåå'tt lij kåå'mtam sää'mkiõl åånnmõõžžâst ve'rğğnii'kķkin uvddum låå'jj.

Ånn'jõžšiõttõõllmõõžž va'stteeinalla asetõõzzâst šiõtte'češ še tõ'st, måid siåzztõõzzid da vuå'ppõõzzid di takai ķiõllhuål vuåđđjurddjid koontår õõlgçi vållded jåårglåttemtoi'mmjummše'stes lokku. Ånn'jõžååi'j Sää'mtee'gğest uvddum asetõõzzâst vii'ttjet õhttsažtå'vvjånnmallaš sää'mkiõl lu'vddkåå'dd siåzztõõzzid da vuå'ppõõzzid. Ođđ asetõõzzâst vii'ttje'češ õhttsažtå'vvjånnmallaš Sää'm ķiõllka'lddja, kåå'tt lij ee'jj 2022 Låå'ddjånnam, Ruõcc da Taar Sää'mtii'gğgi õõutåst vuåđdeem õhttsažtå'vvjånnmallaš å'sštobddiorgaan sää'mkiõlid kuõskki aa'sšin.

2.2 Riiksuåvtõõzz asetõs Sää'mtee'gğest uvddum asetõõzz kåå'mtumšest

E'tkķuum riiksuåvtõõzz asetõs kåå'mte'çi Sää'mtee'gğest uvddum asetõõzz obbvuõđstes. Asetõs lij viõggåst teånab tõin vue'zzin ko tõt lij uvddum sää'mkiõll-låå'jj nuājain. Viõggåst åarrai vue'ss asetõõzzâst kuåskk sää'mkiõl konttår.

3 Vuei'vvååššla vaaiktõõzz

Sää'mtee'gğest uvddum asetõõzz kååmtummuš da ođđ riiksuåvtõõzz asetõõzz ouddmõš sää'mkiõl konttrest tuejje'çi čiõlggsubun šiõttõõllmõõžž. Asetõs Sää'mtee'gğest lij teånab vue'zzi viõggåst ij-ga ouddmiårkkån tõn nõmm va'stted obbnes viõggåst åarrai asetõõzz siiskõõzz. Seåmmast tuejje'češ ååi'jtåss'si'žžen šiõttõõllmõõžž låå'kķvii'ttjõõzzi da å'sštobddiorgaan vue'zzeld. Sää'mkiõl konttår tuājaid jeåt e'tkķkuku mu'ttemnalla nu'tt, što årvvtõõllmõõžž mie'ldd muttsest jie leåkku tuejjeem tåå'zz vaaiktõõzz konttår toi'mmjummša.

4 Viõ'kkepuätmõš

E'tkķeet, što asetõõzz puä'tte viõ'kke 11.6.2026.